

〔清〕何其偉

醫
學
妙
諦

歷代中醫珍本集成

序

醫者意也意之所注往往如期而中夫醫之書夥矣自神農嘗百草療病而後岐伯之刀圭伊尹之湯液暨乎漢唐歷宋元明以迄於今醫書增至千百餘種神明變通悉可隨機而應第卷帙繁多學者限於知識如何口誦心維此醫書之所以難得佳本也青浦何書田先生本儒者精於軒岐手箸醫學妙諦一書分門別欸計七十六章每章引內經靈樞素問及諸名家各種方書論證根柢精審不磨之言爲宗旨焉病因治法編爲七言歌括詞意秩然有序後列各症條欸應用方藥加之參論則若列眉爲家塾讀本也嘉定陳墨蓀少尉醫承世業學有淵源更師事先生之嗣平翁同游講貫精通靈素百家今三折肱矣此書經咸豐庚申兵燹已多散帙墨蓀參互考證缺者補之復完全帙數十年來憑此編爲人治病歷歷中肯百不失一真枕中秘也不欲自秘將付剞劂氏而

郵書間序於余余素昧醫理公餘退圃繙閱各種方書略知梗概今觀是書簡而不遺要而不繁初學之士熟習而深思之於以上溯源流進觀堂奧不難契靈蘭之妙諦而參金匱之鴻文也是爲序

光緒十有八年歲次壬辰仲秋之月

賜進士出身

誥授光祿大夫頭品頂戴軍機大臣兵部尙書兼都察院右都御史雲貴總督使者浙江仁和王文韶序於雲南節署

醫學妙諦序

古之人有言不爲良相則爲良醫故夫察乎天地通乎神明調陰陽順四時序得其正使太和之氣翔洽乎寰區以扶持國家之元運而攸遂羣倫者相之職也惟醫亦然此其精蘊夫豈易言哉雖然其理固可推而知也吾嘗涉夫大海矣波濤極天彌望無際然徐而察之長風一吹水紋如縠極之萬里其致同也而後乃知至微者固寓乎極大而極大者實至微所積而成者也相與醫之業不猶是哉抉其精則意自有相忘乎無形而成治者也今我陳墨蓀先生以醫學妙諦一書相示且屬爲序余受而讀之青浦何公書田之所著也公名在縉紳間昭昭藉甚今讀其書乃益悅然於神明之妙中分爲三卷舉凡病情脈理治法藥品悉以韻語括之而附方於後驅遣靈樞啟發金匱即論文筆已有風水相遭之奇而況乎有極大者固寓乎其中哉神靈在手造化因心不刊之作

也今先生將爲付梓公諸海內先生固公子之門人也淵源澄澈故藝精而道明亟傳此書吾知其實有康濟之懷將使人人登諸壽域無疾病天札之虞功同良相也又豈特爲醫家之指南而已哉欽嚮不已爰爲之序焉
光緒癸巳秋七月蒙自楊文斌質公甫書於鄧山官廨之餐柏軒

醫學妙諦卷上例言

一何書田太夫子世居青浦北簪山本儒術通軒岐之學臨證著手成春日
日遠近就診者門庭如市時或舟車往來吳會士大夫莫不爭先延致在
嘉道間爲吳下名醫之冠

一先生成功後不復進取著述甚富曾刻簪山草堂詩文集行世暨江浙水
利等書爲林文忠公器識文章經濟推重當時實爲醫名所掩耳

一醫學妙諦先生手輯書也仿金匱要略分門別款每章之前專宗內經靈
樞素問及採諸大家千古不磨之論爲引證焉并列各症條款宜用湯劑
皆出先生平時閱歷手定者也其病因治法編爲歌括童而習之以便口
誦心惟爲家塾讀本也

一予家世傳幼科松承庭訓咸豐癸丑奉家君命業醫須習大方脈調理諸

症方稱成技於是命松負笈從平子夫子授業在門下甫十月適家君病足疾書來促余辭歸臨岐分袂蒙夫子執手殷殷論曰同事硯席未久遽唱驪駒未免耿耿因袖出一編語云此書我家習醫秘本卽以贈行松老矣回首師門烏能自已

光緒十九年歲次癸巳秋八月上浣穀旦

小門人嘉定陳松謹識於四明需次

醫學妙諦目錄

卷上

雜症

中風

傷風

中寒

暑病

注夏

濕症

火症

氣病

痰病

咳嗽（乾咳附）

喘病

哮喘

瘧病

霍亂

內傷

傷食

六鬱

泄瀉

痢疾

呃逆

卷中

雜症

痞塊積聚

嘔吐惡心

噎膈反胃

吞酸吐酸

水腫

頭痛

心痛

腹痛

脇痛

腰痛

卷下

鼓脹

虛損發熱諸症

失血

便血

汗症

雜症

痺症

痿症

麻木

足痛（腿膝痛附）

臂背痛

痛風

頭眩

疝氣

喉痹

耳病

癲狂(怔忡不寐癰症健忘附) 目病

黃疸 鼻病

夢遺(滑精附) 口病(舌病附)

濁症(淋症附) 牙病

小便不通不禁大便不通二便秘脫肛

三消症(饑症附)

脚氣

醫學妙諦卷上

簪山何其偉書田纂

嘉定陳松墨蓀參

紹興裘吉生校勘

雜症

中風章（大指次指麻木不仁或肌肉微掣即爲中風之先兆）

中風之症治須思審其所中善治之中腑風邪四肢若惡寒拘急脈浮遲中臟唇緩滯九竅鼻塞便閉不語時若中血脈口眼歪又有中經亦要知六經無病溺調和口不能言肢不持中臟當下腑當汗中經補血養筋宜中血脈者無他治養血通氣效最奇若中臟而兼中腑傷寒兩感症同危東垣大率主氣虛（中風雖緣外中之風亦因內氣之虛也虛則氣多不貫一爲風所入而肢體於是乎廢矣）河間腎虛兼火治（腎息失宜心火盛而腎水虧故熱鬱而生痰

痰甚而發熱熱痿相因而風生）丹溪主濕內生痰總是類中分明注治之先用開關法皂半辛藜俱爲末和以麝香吹鼻中有嚏則生無不活醒後先投三合湯陳甘茯苓半應相當南薑歸桔芩連朮竹瀝薑汁共一湯左癰屬血痰屬氣血虛加芍芎生地（四物恐泥痰宜用薑汁炒）瘀血桃仁與紅花（瘀血症小便利大便黑或腹中懷痛）氣弱參芪也同劑遺尿盜汗亦如之小便不通不可利殭蠶全蝎閉塞加鈎藤可治牙關閉肥人烏附以引經（烏頭附子童便煮用）氣實人參亦須忌（脈右寸有力用參恐痰涎瘀經絡）風盛自汗身體痛羌活防風并薄桂頭目不利或頭痛芎芷蔓荊辛芥穗無汗身疼加正羌芎防蒼朮秦艽配心血內虧神恍惚茯神遠志菖蒲合或心動搖驚悸者竹茹酸棗辰砂益風痰熾甚須膽星防枳牙皂瓜蒌仁食傷枳麥山查枳便閉還須三化行（三化湯用枳實川朴大黃羌活）

肝腎虛內風動

胡麻天麻桂圓黃耆甘草熟地黃肉遠志五味蓯蓉當歸杞子首烏牡蠣
甘菊蒺藜虎骨女貞牛膝

陽虛衛踈

人參當歸附子桑葉黃芪天麻於朮或玉屏風加減

衛虛絡痹

桂枝黃芪附子羌活遠志薑黃

氣虛

人參黃芪白朮炙草當歸陳皮天麻薑棗

肝腎同治

人參茯苓蒺藜甘菊陳皮半夏枸杞天麻鈎藤

風濕中脾絡

六君子湯加南星附子

腎陰虛肝風動

熟地菴蓉杞子首烏菊花菖蒲

痰火阻竅

羚羊胆星竹瀝鉤藤連翹花紛橘紅丹皮菖蒲

液虛風動

復脈湯去薑桂固本湯去熟地加龜版五味加虎骨菴蓉杞子淮膝黃柏

包絡熱邪阻竅

至寶丹犀角硃砂雄黃琥珀玳瑁西黃麝香龍腦金箔安息

痰火上實清竅爲蒙下虛上實多致顛頂之疾

陳曰凡中風症有肢體緩縱不收者皆屬陽明氣虛當以人參爲主附子
芪草之類佐之若短縮牽掣則以逐邪爲急

朱丹溪曰麻爲氣虛木是濕痰散血

傷風章（風能兼寒寒不兼風）

傷風元氣本素虛乘虛而入風邪居鼻塞身重頭亦病惡風發熱汗有餘脈來
浮緩且無力參蘇飲服旋當祛咳嗽去參加桑杏內有痰熱苓連進痰吐如膠
旋福花胸滿痰多貝蕤順冬間自汗桂枝添若還無汗麻黃令傷食麥芽麴樸
須中酒烏梅薏仁定頭痛芎藭不可無氣喘杏蘇亦莫剩

風傷衛

蘇梗豆豉杏仁川朴桔梗連翹木通滑石

體虛感風

參歸桂枝湯加陳皮

中寒章（太陽脈行由背抵腰外來風寒先傷陽經經氣逆斯病發）

中寒傷寒症非一傷則漸深中直入初起怖冷四肢寒無熱不渴身戰栗脈來無力又沉遲加味理中湯有益參甘白朮并乾薑加桂陳皮功妙極寒甚吳萸及川附（用童便炒）半夏茯苓吐有力生薑煎就須冷服（伏其所主治其所以因也）無脈麝香豬膽喫泄瀉不止加蔑升薑汁三匙嘔吐入舌捲縮指甲青脈絕蒸臍法當習（用麝香半夏皂角爲末納入臍中生薑一片貼臍上放大艾丸於上灸之）

寒邪客肺

蘇梗桔梗杏仁連翹川樸枳殼豆豉橘紅桑皮

風寒傷衛